

Anekso 6 di e Plan di Konstrukshon Ret di Resiliensia Sibernétiko (CWN)

Parti karibense di Reino

E enfoke di NCSC pa duna pasonan den e kolaborashon

0. Introdukshon

Den e periodo di sèptèmber 2024 te ku mei 2025 a traha riba un plan pa parti karibense di Reino hulandes (*Caribisch deel van het Koninkrijk der Nederlanden* - CdvKNL). Kompará ku Hulanda, CdvKNL tin otro nesesidatnan riba e tereno di desaroyo di resiliensia digital. P'esei, a elaborá un enfoke separá.

E plan aki ta forma parti di e plan di konstrukshon Ret di Resiliensia Sibernétiko (*Cyberweerbaarheidsnetwerk – CWN*) i a ser kordená ku e diferente departamentonan di maneho i organisashonnan di implementashon involukrá. E ta ofresé un marko strukturá pa e enfoke pa konstruí un CWN den CdvKNL ku ta hasi hustisia na e konteksto lokal.

1. Di inisiativanan pa retnan

A hasi un eskoho di maneho pa amplia CWN pa henter Reino hulandes. Pa alkansá henter Reino, mester buska aktivamente un konhunto amplio di partnernan di ret ku huntu ta hasi esaki posibel.¹ P'esei, ta reklutá partnernan di ret nobo pa CWN, manera proveedónan di servisionan di ICT i seguridat ku ta hunga un ròl importante den e desaroyo di resiliensia pa organisashonnan.

Den Karibe tin tur biaha mas atenshon pa digitalisashon i ku esei, tambe pa seguridat sibernétiko i resiliensia digital. Konsiderando ku ayanan (ainda) no a identifiká kompanianan vital, por lo pronto no tin obligashon legal pa kompanianan importante – manera kompanianan di energia, awa i telekomunikashon – pa tuma sierto medidanan. Ademas, (ainda) no tin apoyo pa kompanianan i tin tiki kolaborashon. E proyekto 'Fortalesé Resiliensia Sibernétiko na Hulanda Karibense' di Matibu B.V. ta kambia esaki, ofresiendo skènnan di seguridat sibernétiko aksesibel i estableciendo un ret ISAC. Di e manera aki, ta duna e promé pasonan den e identifikashon i fortalesementu di e resiliensia di kompanianan den e parti ei di Reino. Na desèmber 2024, a otorgá e supsidio 'Fortalesementu Resiliensia Sibernétiko' na e proyekto. DTC ta e dunadó di enkargo di e supsidio, i RVO ta responsabel pa e implementashon.

Aktualmente, ainda no tin deliberashon struktural ku CdKNL for di Hulanda. Den henter Reino, CWN por asumí un ròl fasilitante pa konektá e ret, i di e manera ei, finalmente traha den fase riba un kolaborashon públiko-privá. E strukturashon den fase ta desviá for di e konstrukshon di e Ret di Resiliensia Sibernétiko na Hulanda (konsultá anekso 1, 2 i 3). Ta reservá mas tempu pa e konstrukshon di e Ret di Resiliensia Sibernétiko ku i denter di CdKNL, i e promé enfoke lo ta riba e desaroyo na Hulanda Karibense². Unabes a duna e promé pasonan einan, lo evaluá e strukturashon i kolaborashon ku e paisnan outónomo. E preparashon pa esaki ta dividí den kuater fase:



Imágen 1 Kuater fase di strukturashon di ret

Fase 1: Eksplorashon

Fase 1 ta dediká na un eksplorashon amplio ku organisashonnan i stakeholdernan involukrá. E eksplorashon aki ta duna un bista riba e dominio sibernétiko aktual, kolaborashonnan i inisiativanan eksistente, deseonan i nesesidatnan, riesgonan i dependensianan, e resiliensia sibernétiko den CdKNL i e partnernan di ret lokal di mas importante. E punto di salida ta ku CWN ta ofresé e mésun posibilidatnan pa CdKNL i e sobrá di Reino. Tantu e munisipionan spesial komo e paisnan outónomo ta partisipá, loke ta pone ku tin diferensianan den legishon i regulashonnan³. Tur formanan di kolaborashon i interkambio den CWN opviamente mester kuadra ku e legishon i relashonnan aplikabel.

Aktualmente, ya kaba nos ta den fase 1. A kuminsá ku e identifikashon di e partnernan di ret. E promé eksplorashon aki for di CWN ta primariamente enfoká riba Boneiru i p'esei, e no ta representativo pa henter CdKNL. Ta konsehabel pa amplia e eksplorashon aki promé pa e sobrá islanan den Hulanda Karibense i

¹ Vishon riba CWN pg. 41.

² Konsultá Anekso A pa relashonnan polítiko, Hulanda Karibense ta BES. Paisnan outónomo ta CAS.

³ Pa e paisnan outónomo ta konta ku nan tin nan propio legishon i regulashonnan, pa e Entidatnan Públiko ta konta ku legishon antiano bieu den algun kaso a ser modernisá i den sierto kasonan e leinan di Hulanda oropeo tambe ta apliká na Hulanda Karibense, manera e Lei di Promoshon di Resiliensia Digital di Kompanianan (*Wet bevordering digitale weerbaarheid bedrijven*).

despues pa e islanan outónomo. Den e fase aki mester dediká atenshon na i rekopilá informashon tokante di e sirkunstansianan lokal, e konteksto sosial-kultural i e estado aktual. Por ehèmpel, mester tene bon kuenta ku e diferensianan di kultura, aktuashon, ekspertisio i kapasidat i rekursonan disponibel den CdKNL kompará ku Hulanda. Banda di esaki, mester di mas bista riba kolaborashonnan eksistente – si tin algun – pa por embolbí esakinan di un manera adekuá den e Ret di Resiliensia Sibernétiko i por traha huntu riba un bista realístiko di e resiliensia sibernétiko aktual den CdKNL.

Fase 2: Konekshon

Ta usa e resultadonan di e fase di eksplorashon den fase 2: konekshon. Ta importante pa uni partnernan di ret ku otro, i pa huntu analisá e resultadonan di e fase di eksplorashon. Di e manera aki, por traha un inventarisashon i priorisashon di e temanan di mas importante den e área di resiliensia sibernétiko. E temanan aki ta forma e base pa kolaborashonnan den CWN. E fase aki ta tuma lugá den un entorno kaminda partnernan di ret por traha huntu den konfiansa, por kompartí konosementu i por duna feedback.

Fase 3: Komparashon

Fase 3 ta kuminsá ku e temanan priorisá den fase 2. A base di esakinan ta deskribí e situashon deseá. Seguidamente, pa medio di un análisis di puntonan fuerte i débil (análisis di *gap*) nos ta evaluá kiko mas tin mester pa yega na e situashon deseá. E resultadonan ta forma e deskripshonnan di e funshonnan di e Ret di Resiliensia Sibernétiko, i e base riba kua lo kolaborá den e ret. Debí na e sirkunstansianan lokal, e funshonnan por desviá di esnan na Hulanda. Sí ta importante pa eventualmente buska sinergia entre CdKNL i Hulanda mas tantu posibel, pa asina hasi uso di manera efisiente di e konosementu, rekursonan i kapasidat limitá den e CWN.

Fase 4: Kolaborashon

Den fase 4 ta traha huntu riba e temanan i pilarnan di fase 2 i 3. Ta kompartí retonan ku otro den konfiansa, i den e ret ta buska solushonnan. Tin un plan pa futuro adekuá, elaborá dor di i pa e partnernan di ret, pa oumentá e resiliensia sibernétiko den CdKNL. E partnernan di ret ta bon konektá ku e CWNnan den CdKNL i Hulanda. E partnernan di ret ta kapas pa apliká outónomamente e funshonnan di e Ret di Resiliensia Sibernétiko desaroyá, i pa huntu sigui desaroyá nan.

2. Mapa di ret

E mapa di ret (Imágen 2) a ser kreá a base di e promé eksplorashon for di e Ret di Resiliensia Sibernétiko enfoká riba Boneiru⁴. E ta duna un resúmen di (posibel) partnernan di ret i un bista riba e relashonnan i dependensianan mutuo. No a tuma kontakto ku tur e organisashonnan menshoná, loke sí ta deseabel pa un eksplorashon mas detayá. Konsiderando ku aktualmente ainda nos ta den fase 1, e mapa di ret ainda no ta ofresé un bista kompletu, i lo mester agregá mas dato na esaki.

⁴ E mapa di ret aki ta ofresé un promé bista basá riba e eksplorashon for di e Ret di Resiliensia Sibernétiko. P'esei, ainda e no ta kontené tur partnernan di ret, organisashonnan i/of inisiativanan ku ta relashoná ku CdvNL (tantu pa CdvNL komo pa NL).

Análisis di riesgo pa e.o. NCSC (posiblemente mas partidonan embolbí) - Implementashon di trayekto MASKeR (adaptá) ku partnernan di ret lokal. - Tantu pa Hulanda Karibense (promé enfoke) komo pa paisnan outónomo. Kadenanan akaparadó (por ehèmpel SBIR⁶, SSO RCN).	Informe di riesgonan i dependensianan di kadena.	Meimei di fase 1: • Hulanda Karibense: terminá den Q2-2026; • Paisnan outónomo: den Q3-2027.
E ret ta desaroyá e informe "Estado aktual di dominio sibernético den CdKNL" - Hustifikashon di e elaborashon di fase 1. - Determinashon i konsolidashon di aktividatnan implementá den fase 1 ku mester keda tradusí pa plannan anual / kalènder anual. - Elaborashon di e fasenan i pasonan konsektivo konkreto.	Informe di e hayasgonan rekopilá den fase 1. Publikashon di aktividatnan anual.	Final di fase 1: • Terminá den Q4-2027.

Fase 2: Konekshon		
Aktividatnan	Deliverables	Timing i/of fase
E ret ta organisá/stimulá kolaborashon pa digitalisashon i resiliensia sibernético (apoyo e.o. NCSC) - Trese huntú e partnernan di ret identifiká, mas tantu posibel dor di partnernan di ret lokal. - Uni inisiativanan eksistente kaminda ta posibel. - Uni partnernan di ret den un kolaborashon (posiblemente formalisá pa medio di konvenio). Den kolaborashon ku BZK, EZ i JenV.	Formalisashon di partnernan di ret (posiblemente den kolaborashon).	Komienso di fase 2: • Terminá den Q1-2028.
E ret ta determiná i priorisá temanan di kolaborashon (apoyo e.o. NCSC) Seshonnan di trabou pa determiná i priorisá temanan di manera strukturá den konsultashon mutuo ku tur partnernan di ret involukrá.	Publikashon di promé strukturashon di funshonnan di e Ret di Resiliensia Sibernético.	Final di fase 2, komienso di fase 3: • Terminá den Q2-2028.

Fase 3: Komparashon		
Aktividatnan	Deliverables	Timing i/of fase
E ret ta determiná i priorisá temanan di kolaborashon (apoyo e.o. NCSC) Seshonnan di trabou pa determiná i priorisá temanan di manera strukturá den konsultashon mutuo ku tur partnernan di ret involukrá.	Publikashon di promé strukturashon di funshonnan di e Ret di Resiliensia Sibernético.	Final di fase 2, komienso di fase 3: • Terminá den Q2-2028.
E ret ta traha un análisis di gap (apoyo e.o. NCSC) - Partnernan di ret ta traha un análisis di <i>gap</i> individual. - Seshonnan di trabou pa kompará e análisis di <i>gap</i> individualmente.	Resúmen di publikashon di plan pa implementashon di pilarnan. Ret di Resiliensia Sibernético i konekshon ku e Ret di Resiliensia Sibernético establesé na Hulanda.	Meimei di / final di fase 3 Término largu • Terminá den Q4-2028.

⁶ Stichting beheer ICT-rechtshandhaving

Seshon di trabou pa kompará análisis di <i>gap</i> ku Ret di Resiliensia Sibernétiko hulandes.	Konekshon Komunitat CWN.	
--	--------------------------	--

Fase 4: Komparashon		
Aktivatnan	Deliverables	Timing i/òf fase
E ret ta traha un plan pa futuro di e Ret di Resiliensia Sibernétiko di CdKNL - Elaborashon di e progreso i e konklushonnan ku a ser saká pasando e fasenan. - Éksitonan i puntonan di atenshon. - Elaborashon di aktivitatnan ku ainda mester hasi den e ret. Den kolaborashon ku NCSC, BZK, EZ i JenV	Publikashon futuro. Ret di Resiliensia Sibernétiko i CdKNL.	Fase 4: • Terminá den Q2-2029.

4. Prekondishonnan

A redaktá algun prekondishon pa involukrá CdKNL kompletamente den e strukturashon i elaborashon kontinuá di e Ret di Resiliensia Sibernétiko.

Ekspektativanan mutuo

Durante e promé eksplorashon for di NCSC a sali na kla ku tin stakeholdernan sumamente diverso ku ke kontribuí na e mehorashon di e resiliensia sibernétiko den CdKNL. Esaki ta kondusí na un rango amplio di ideanan, perspektivanan, nesesidatnan i deseonan. Kada stakeholder lo tin su propio ekspektativanan tokante di e temanan, pilarnan i plannan ku lo establese i desaroyá. P'esei, ta importante pa monitorea e ekspektativanan den tur fase, i pa deliberá tokante di esakinan ku esnan involukrá i disidí kiko por realisá i kiko no por realisá. Solamente di e manera aki por traha huntu libremente.

Apoyo

CWN ta un ret organisá pa i dediká na partnernan di ret públiko i privá. Pa pèrkurá pa e ret ta eksitoso, ta spera resiprosidat den e ret. Asina ta invertí huntu pa oumentá e efektivitat i konosementu den e dominio. Esaki no ta kambia e echo ku e konekshon di CdKNL ta un pùzel kompleho. Pa laga esaki kana di e mihó manera posibel, ta importante pa e stakeholdernan den CdKNL ofresé e apoyo i hèrmèntnan adekuá, loke ta inkluí konosementu i ekspertisio spesífiko di e Islanan ariba. A base di e promé eksplorashon ta konsehá pa NCSC ofresé un ròl di apoyo na momentu ku ta pasa e fasenan ku e stakeholdernan i e partnernan di ret. E apoyo aki – banda di e paso iterativo dor di e fasenan – tambe ta enserá ku ta salvagardiá e kontinuidat. Pa logra esaki, un empeño struktural for di e NCSC pa lanta e ret ta nesesario. Pensa por ehèmpel riba e organisashon i supervishon di seshonnan (di trabou). E apoyo di NCSC pa e desaroyo kontinuá di e Ret di Resiliensia Sibernétiko pa CdKNL na tur momentu mester tuma lugá den kordinashon ku otro Ministerionan i organisashonnan di implementashon embolbí, tantu lokalmente komo na Hulanda. Den e marko ei, posiblemente lo rekerí kapasidat struktural di otro organisashonnan. Lo mester elaborá esaki ku mas detaye despues. Pa loke ta trata finansiamentu sufisiente pa e strukturashon, supstansiashon i maneho di e CWN di CdKNL, kapítulo 7.3.3 di e Plan di Konstrukshon CWN ta aplikabel.

Planifikashon

Kada pais i kada isla den Reino hulandes tin su propio influensianan históriko, tradishonnan i kultura. E echo ku ta traha huntu riba CWN i e konekshon ku e partnernan di ret hulandes ta algu nobo. Ta importante

pa tuma tempu pa haña un bista riba e dominio sibernétiko aktual, e deseonan i nesesidatnan, e riesgonan i e dependensianan ku ta deskribí den fase 1. Ademas, mester duna espasio pa diferensianan kultural i e strukturashon di un komunidad sibernétiko pa por kompartí konosementu i eksperensia. Pa lanta esaki di un manera strukturá, ta konsehá pa kuminsá e eksplorashon ku e munisipionan spesial i pa inkluí nan *lessons learned* den e eksplorashon posterior ku e paisnan outónomo. Pa ámbos eksplorashon ta konsehá pa tuma un aña.

Kolaborashon entre departamentu

Pa pèrkurá ku ta logra e resultadonan deseá pa loke ta trata resiliensia digital, ta importante pa e departamentonan kordená e aktividatnan ku tin di aber ku e CdKNL. Programanan i proyektonan por koincidí òf asta stroba otro. P'esei, bon komunikashon, kolaborashon entre departamentu i interkambio di konosementu ta importante. Riba e islanan tin kapasidat, ekspertisio i konosementu muchu limitá pa por duna supstansia na tur proyekto i programa hulandes. E departamentonan mester vigilá ku no ta pidi di mas di organisashonnan lokal pa e mésun proyektonan i metanan. P'esei, kordinashon ta nesesario, por ehèmpel for di un grupo di kordinashon ku ta manehá su mes i ku tin representashon for di e departamentonan involukrá.

Anekso A. Definishon i Alkanse di Parti karibense di Reino

Riba 10 di òktober 2010, e relashonnan polítiko entre e partinan karibense di Reino i Hulanda a kambia. E dia ei, a disolvé Antia Hulandes. For di e fecha ei, e islanan Boneiru, Sint Eustatius i Saba (islanan BES) ta entidatnan públiko denter di e pais Hulanda, i ta referí na nan huntu komo Hulanda Karibense. Kòrsou, Sint Maarten i Aruba a bira paisnan outónomo den Reino hulandes. Despues di e kambionan polítiko na 2010 a palabrá pa ta kouteloso ora di introdusí legislashon nobo. E meta primario di esaki tabata pa duna e siudadanonan i gobernadónan un periodo di trankilidat i ahuste. Gabinete Schoof ta empeñá pa priorisashon adekuá i transparente di e aktividatnan ku lo emprendé pa CdvKNL, i den e konteksto ei ta deseabel ku tin un kuadro di evaluashon kla. Ku esaki, a bandoná e punto di salida di e gabinetenan anterior respekto di esfuersonan pa yega na un nivel di fasilidatnan mas ekivalente na Hulanda Karibense.

E paisnan den Karibe tin e státus di 'Paisnan i Teritorionan di Ultramar' (*Landen en Gebieden Overzee* – LGO). E státus aki ta referí na paisnan i teritorionan no oropeo ku tin relashon spesial ku Hulanda. Den e marko aki, no oropeo ta referí na e echo ku e paisnan aki no ta forma parti di e teritorio di Union Oropéo. Esaki ta nifiká ku legislashon i regulashonnan aplikabel na teritorio oropeo, no ta apliká outomátikamente na Hulanda Karibense, inkluyendo NIS2. Pa loke ta trata NIS2, Hulanda a skohe pa no implementá esaki pa entidatnan públiko. Esaki ta nifiká ku no tin legislashon sibernétiko na Hulanda Karibense. E paisnan outónomo tampoko tin legislashon dirigí riba asuntunan sibernétiko. E Ordenansa General riba Protekshon di Dato (*Algemene verordening gegevensbescherming* – AVG) tampoko ta aplikabel na Hulanda Karibense. E paisnan outónomo tin nan propio ordenansa nashonal. Pa Kòrsou i Sint Maarten, esaki ta un ordenansa nashonal riba protekshon di dato personal. Pa Aruba, esaki ta un ordenansa nashonal pa registrashon di persona. Pa e Entidatnan Públiko, e protekshon di dato personal a ser reglá den e Lei di Protekshon di Datonan Personal BES. E paisnan outónomo tin nan propio legislashon pa protekshon di privasidat i datonan personal.

Posiblemente, lo kambia e legislashon i regulashonnan sibernétiko pa CdKNL. Den su *Liña di Akshon 7: Fortalesé e resiliensia digital*, e Strategia di Seguridat pa Reino Hulandes (*Veiligheidsstrategie voor het Koninkrijk der Nederlanden*) ta pone e siguiente prioridat pa e añanan 2023-2029: "Desaroyá e maneho di seguridat sibernétiko pa CdKNL. Tin mester di legislashon i kuadronan di maneho pa fomentá seguridat sibernétiko i kombati kriminalidat sibernétiko; den e marko aki, tambe ta importante pa fortalesé interkambio di datonan, kolaborashon i yudansa tékniko entre Hulanda i CdKNL. Banda di esaki, mester di mas empeño pa oumentá konsenshi sibernétiko, implementashon di maneho di seguridat sibernétiko, i ekspertisio tékniko; tantu entre siudadanonan, gobièrnunan komo den komunidat empresarial.”⁷.

⁷ [Veiligheidsstrategie voor het Koninkrijk der Nederlanden | Publikashon | Nationaal Coördinator Terrorismebestrijding en Veiligheid](#)

Anekso B. CWN i puntonan tangente ku otro inisiativanan den Parti karibense di Reino

Apesar ku mayoria di legishashon i regulashonnan sibernétiko no ta aplikabel na CdKNL, sí tin vários inisiativa di maneho ku ta afektá e parti aki di Reino tambe.

E Lei di Promoshon di Resiliensia Digital di Kompanianan (*Wet bevordering digitale weerbaarheid bedrijven – Wbdwb*), ku a drenta na vigor promé di òktober 2024, sí ta aplikabel, maske ta solamente na Hulanda Karibense. E lei aki ta stipulá e tareanan i kompetensianan di Minister di Asuntunan Ekonómiko (EZ) riba e tereno di resiliensia digital di kompanianan no vital na Hulanda, manera e difushon di informashon tokante di vulnerabilidatnan, menasanan, i insidentenan, i e promoshon di kolaborashon entre kompanianan den e área di resiliensia digital.

Riba 4 di novèmber 2022, a ofresé e Agènda di Trabou Digitalisá Impulsá pa Balornan (*Werkagenda Waardengedreven Digitaliseren*) na Parlamento, kua tambe ta involukrá e resiliensia sibernétiko den parti karibense di Reino. Na desèmber 2023 a saka konklushonnan⁸. E Agènda di Trabou ta un elaborashon di elementonan kontené den e karta Liñanan Prinsipal Maneho di Digitalisashon (*Hoofddlijnen Beleid Digitalisering*)⁹ ku metanan i akshonnan konkreto. E ta kontené sinku tema: partisipashon, konfiansa i kòntrol den e sosiedat digital, bon gobièrnu digital i fortalés e sosiedat digital den CdKNL. Ta aktualisá e agènda di trabou aki anualmente.

Entre otro ta empeñá pa fortalamentu di seguridat i resiliensia digital. Den tempunan ku e mundu rònt di nos ta turbulento, seguridat ta di importansia krusial. Ku e strategia di seguridat sibernétiko di Ministerio di Hustisia i Seguridat komo hèrmènt prinsipal a traha riba fortalamentu di seguridat i resiliensia digital. Por ehèmpel, ku e Revishon di e Direktiva Oropeo riba Seguridat di Ret i Informashon (*Herziening Europese Richtlijn Netwerk- en Informatiebeveiliging*) a subi e norma básiko pa organisashonnan. Na mes momentu a traha riba apoyo adekuá. Por ehèmpel pa medio di e realisashon di instrumentonan ku ta yuda organisashonnan gubernamental pa kompra produktonan i servisionan ICT di manera sigur, i e desaroyo di un enfoke pa henter gobièrnu pa *redteaming*, pa asina deskubrí puntonan debil den e infrastruktura mas pronto posibel.¹⁰

E Maneho di Gabinete pa Digitalisashon (*Kabinetsbeleid Digitalisering*) den su agènda di trabou ta indiká ku e ke fortalés e área di sosiedat digital den CdKNL¹¹. E ta empeñá pa:

1. **Ta digitalmente madurá**, pa tur hende na Hulanda Karibense tin aksesu na suficiente konosementu, servisionan i fasilidatnan pa probechá oportunidatnan i mitigá riesgonan adekuadamente.
2. **Kolaborashon riba e fundeshi digital** ku sosiedat, e komunidat empresarial i e gobièrnan di Aruba, Kòrsou i Sint Maarten pa pèrkurá pa nan tambe ta sufisientemente ekipá.

Den e plan di akshon, e Maneho di Gabinete pa Digitalisashon ta konsiente di e retonan ku ta eksistí den konektivitat internashonal, tantu den region karibense komo entre e region ei i Oropa.¹²

Kaminda ta posibel, e Ret di Resiliensia Sibernétiko lo empeñá pa konektá i sigui fortalés e inisiativanan eksistente aki riba tereno di resiliensia sibernétiko den CdKNL. Den e siguiente kapítulon lo duna un splikashon mas detayá di esaki.

⁸ [De werkagenda: een jaar onderweg Werkagenda Waardengedreven Digitaliseren – Gobièrnu Digital](#)

⁹ [Kamerbrief hoofdlijnen beleid voor digitalisering | Documento di Parlamento | Rijksoverheid.nl](#)

¹⁰ [De werkagenda: een jaar onderweg Werkagenda Waardengedreven Digitaliseren – Gobièrnu Digital](#)

¹¹ [5. Versterken digitale samenleving in het Caribisch deel van het Koninkrijk Versterken digitale samenleving op Caribisch deel koninkrijk – Gobièrnu Digital](#)

¹² [5.2 Samenwerken aan de digitale samenleving binnen het Koninkrijk Versterken digitale samenleving op Caribisch deel koninkrijk – Gobièrnu Digital](#)

Anekso C. Situashon aktual

Den primavera di 2024 a kuminsá ku e supstansiashon di e siguiente ophetivo di NLCS: "Ta kuminsá ku un eksplorashon di e pasonan nesesario pa oumentá resiliensia digital di e infrastruktura vital na Hulanda Karibense." A inisiá e eksplorashon aki for di NCSC i el a resultá den e promé konklushonnan i e posterior meta(nan). E estado aktual ta basá riba kòmbersashonnan ku organisashonnan den Karibe i e kolaborashon ku e Ministerionan di Asuntunan Interior i Relashonnan den Reino, Asuntunan Ekonómiko i Hustisia i Seguridat.

1. Promé eksplorashon i konklushonnan

E meta pa involukrá CdKNL mas i di mihó manera den desaroyonan sibernétiko i resiliensia sibernétiko ta kuadra ku e desaroyonan di e Ret di Resiliensia Sibernétiko. E eksplorashon ta demostrá ku inisiadónan di organisashonnan vital ta buskando sosten i kuadronan pa uni, i di e manera ei oumentá resiliensia sibernétiko. Ya kaba a duna pasonan kouteloso pa kolaborashonnan. Ademas, a tuma lugá kòmbersashonnan tokante di resiliensia sibernétiko ku vários sektor involukrá, sinembargo, e kòmbersashonnan aki (ainda) no ta struktural. Banda di esaki, e konteksto kultural ta kompliká e kolaborashon ku otro islanan i Hulanda. Ademas, tin hopi nesesidat di mihó konekshon ku konosementu tékniko i operashonal, di kapasidat den forma di trahadónan i di asistensia (di respuesta) for di Hulanda, pero tambe di bista riba e madures di e dominio sibernétiko, ehersisionan i entrenamentunan.

Mas konkretamente tin nesesidat di kordinashon i un plan (di akshon) pa ankrá digitalisashon i resiliensia sibernétiko. Un promé paso den e marko aki ta e oumento di e konsientisashon i urgensia di e tópiko serka organisashonnan vital. Seguidamente, organisashonnan vital por konektá ku produktonan i servisionan tékniko na Hulanda. For di einan por traha den fase i den kolaborashon públiko-privá pa desaroyá e Ret di Resiliensia Sibernétiko. Sinembargo, sí ta nesesario pa organisashonnan ta konsiente di e importansia i pa nan hasi kapasidat disponibel. E sekuensia aki ta pone ku produktonan i servisionan ta kuadra ku e polítika aktual di organisashonnan vital riba e islanan.

2. Eksplorashon di Karibe

Asuntunan Interior i Relashonnan den Reino

Ministerio di Asuntunan Interior i Relashonnan den Reino ta traha riba e base i balor núkleo di demokrasia, tantu pa Hulanda komo pa CdKNL. Banda di esaki, Ministerio ta apoyá e paisnan outónomo Aruba, Kòrsou i Sint Maarten pa traha un fundeshi fuerte pa un bon bida i ta apoyá e entidatnan públiko ku nan resiliensia sibernétiko.

BZK tin dos tarea prinsipal riba e tereno di protekshon di informashon na Hulanda Karibense:

- **Responsabilidad sistemátiko:** Sòru pa e protekshon di informashon gubernamental den tur parti di Reino.
- **Dunadó di enkargo pa proyektonan:** Adoptá e ròl aktivo di dunadó di enkargo pa proyektonan di digitalisashon i den e marko ei, duna ehèmpel riba e tereno di métodonan sigur di trabou.

Aktualmente ta trahando riba e formashon di plannan pa e ehekushon di e tareanan prinsipal di BZK. Ministerio ta kòmbersá ku entidatnan públiko i otro partnernan relevante na Hulanda Karibense. E enfoke primario ta pa haña un bon bista di e resiliensia sibernétiko i e retonan ku esaki ta trese kuné. Ademas, for di BZK ta inisiá proyektonan ku ta yuda entidatnan públiko ku nan resiliensia sibernétiko. Pa esaki tambe lo buska e konekshon ku e Ret di Resiliensia Sibernétiko. Banda di esaki, lo embolbí Hulanda Karibense den e ehersisio sibernétiko den henter gobièrnu ku Ministerio ta organisá anualmente.

Tópikonan ku aktualmente ta wòrdu atendé den e formashon di plannan di BZK:

- Kordinashon, puntonan di salida i bista riba e situashon;
- Traha riba relashonnan i konfiansa;
- Konsientisashon i entrenamentunan tékniko;
- Cybersecurity Community Building;
- CSIRT sektoral i Incident Response;
- Maneho di krísis.

Asuntunan Ekonómiko

Ministerio di Asuntunan Ekonómiko ta trahando riba un Hulanda Karibense sostenibel i emprendedó. Banda di esaki, Ministerio ta kontribuí na kresementu ekonómiko sostenibel ku previshonnan di utilidat konfiabel. Ministerio ta yuda e islanan pa mehorá e relashon preis-kalidad di e previshonnan di telekomunikashon i internet, elaborando kuadronan i otorgando supsidionan. Den e Strategia pa Ekonomia Digital – Informe di Progreso 2024 (*Strategie Digitale Economie - Voortgangsrapportage 2024*) a inkluí e siguiente ophetivo: "Fortalesé e infrastruktura digital na Hulanda Karibense pa asina mehorá e kalidat, konfiabilidad i pagabilidad ¹³". Den e strategia aki tambe ta hasi referensia na e Digital Trust Center (DTC) i e Areglo di Supsidio pa Resiliensia Sibernétiko (*Subsidieregeling Cyberweerbaarheid*). DTC ta parti di Asuntunan Ekonómiko. E mision di DTC ta pa apoyá mas ku dos mion kompania hulandes – di zzp pa empresanan grandi – pa nan bira mas resiliente kontra menasanen sibernétiko kresiente. Esakinan ta tur kompanianan na Hulanda ku ta pertenesé na e sektornan no vital. Bou di e responsabilidad di e Minister di EZ, DTC ta implementá e Lei di Promoshon di Resiliensia Digital di Kompanianan (*Wet bevordering digitale weerbaarheid bedrijven*) ku a drenta na vigor riba promé di òktober 2024 (konsultá Anekso A). Banda di esaki, den e Estado di e Infrastruktura Digital (*Staat van de Digitale Infrastructuur* – SDI) a inkluí un kapitulo tokante di e infrastruktura digital na Hulanda Karibense, inkluyendo e resiliensia, i huntu ku e SDI a manda un rapòrt tokante di e infrastruktura digital na Hulanda Karibense na Parlamento;¹⁴.

Hustisia i Seguridat

Ministerio di Hustisia i Seguridat ta salbaguardiá estado di derecho na Hulanda Karibense, pa asina por tin konvivensia den libertat i respekto di estilo di bida òf kreensianan. E siguiente departamentonan i servisionan ku ta kai bou di Ministerio ta aktivo na Hulanda Karibense: Kuerpo Polisial Hulanda Karibense, Brantwer, Ofisina Yudansa pa Víktima, Instituto Hudisial Hulanda Karibense, Ministerio Públiko, Reclassering, Asistensia hurídiko grátis, Servisio di Imigrashon i Naturalisashon, Voogdijraad i Schadefonds Geweldsmisdrijven (Fondo pa Daño di Delitonan Violento).

Pa salbaguardiá seguridat den Karibe tambe a redaktá e Strategia di Seguridat pa Reino Hulandes (*Veiligheidsstrategie voor het Koninkrijk der Nederlanden*).¹⁵ Den e strategia aki, entre otro ta mensioná menasanen sibernétiko kontra Reino. E strategia ta pone: "CdKNL tambe konosé ehèmpelnan di atakenan sibernétiko di kua e konsekuensianan por perturbá sosiedat. Un ehèmpel di esaki ta e atake grandi di *ransomware* na 2022 riba e úniko kompania di awa i koriente di Sint Maarten. Debí na e atake, e kompania tabata pèrdè aksesu na e datonan finansiero, miéntras no tabata tin back-up resien disponibel. Esaki tabata un menasa pa e aktividat operashonal i e continuidad di dos proseso vital: awa i koriente." Den *Liña di Akshon 7: Fortalesé resiliensia digital*, ta diskutí e establesementu di un maneho di seguridat sibernétiko pa CdKNL i fortalesementu di e kolaborashon entre Hulanda i e parti karibense. Den e marko ei, mester empenhá pa oumentá konsenshi sibernétiko, implementashon di maneho di seguridat sibernétiko i

¹³ [Strategie Digitale Economie - Voortgangsrapportage 2024](#)

¹⁴ [Staat van de Digitale Infrastructuur - Parlemento 2023-2024, 26643 nr 1119](#)

¹⁵ [Veiligheidsstrategie voor het Koninkrijk der Nederlanden | Rapòrt | Rijksdienst Caribisch Nederland](#)

ekspertisio tékniko. *Liña di Akshon 12: Fortalesé kòntrol di krísis i oumentá preparashon di sosiedat ta enfoká riba e mehorashon di interkambio di informashon i plannan di krísis ku enfátikamente mas atenshon pa konteksto i outonomia lokal.*

Aktualmente, organisashonnan no ta bini na remarke pa un státus vital pasobra e direktivanan pa esaki ta basá riba normanan hulandes. Na e momentunan aki, NCTV – den konsultashon ku BZK, EZ i NCSC – ta investigá posibel direkshonnan di solushon. E kronograma antisipá ainda no ta konosé.

Den e último añanan, NCSC insidentalmente tabata den kontakto ku organisashonnan den CdKNL. Actualmente, no ta kla kua produktonan i servisionan NCSC mag suministrá na CdKNL. Legislashon aktual no ta duna base pa ofresé apoyo operashonal struktural i kompartí informashon ku organisashonnan den CdKNL. Esaki no ta kambia e echo ku e último añanan NCSC a wak huntú ku organisashonnan den CdKNL kiko sí ta posibel. Ku e eksplorashon for di e Ret di Resiliensia Sibernétiko a duna e promé pasonan pa establecé un base struktural i un relashon ku organisashonnan vital den CdKNL.